



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA,

CARDINALITIIS DISPUTATIONIBUS  
manè discutienda, in Scholis Medicorum, die Jovis undecimâ  
Aprilis Anni M. DCC. XXXVII.

M. JOANNE BESSE, Dotariæ Hispaniarum  
Reginæ, à Consiliis, & Medico Primario,  
Doctore Medico, Præsidente.

*An quò major jactura virium, vultus eò tenuior?*

I.



ANITATEM quam quærere amant in abstracto & indeterminato solidorum & fluidorum consensu, æquilibrio aut inæquilibrio, perspicaciùs mihi videre videor positam in libero circuitu sanguinis. Hæc ideâ simplici & clarâ, veluti pixide nauticâ, dirigitur mens, hinc inde fluctuans, hæc lege certa innititur Ars Medica naturæ auxiliatrix & æmula, in conservando circuitu sanguinis aut restituendo omnis cardo vertitur; hoc veluti filo Ariadneò soluti Medici, fucosâ

imagine, ludibrisque phantasiæ delusi, à recto tramite deflectunt, & in ventosa loquacitate vel solidorum tritus & oscillationum, vel fermentationis motus, & spasmi, vel mensuræ & calculorum voces divagando, effutunt à medendi scopo aberrantes. Hoc fonte derivata clades; vigente circuitu sanguinis, viget sanitas, & hinc scaturiunt humores diversi, in propriis receptaculis, organorum motibus famulandi, unde functionum integritas; legniori factò circuitu sanguinis, factà que stasi, feriantur secretiones, parciusque sit humorum genesis ac minori copiâ subeunt glandulas, aut meatus organorum motibus obeundis. Hinc functionum læsio, torpor & languor; hinc fons & origo morborum, vitæque desinit, secto filo circulationis sanguinis. Quas vitæ functiones sanguis edit liberè circumfluens, ab iisdem dispendium patitur; hinc quæ causa vitæ, eadem interitus, & ineluctabile fatum; citoque corpus labefactatur ac præceptis ad interitum ruit, nisi jactura resarciatur; sed absconditæ supremi artificis manus solertiam prodit, vel ipse simplex organorum apparatus nervorumque consensus, ut quibus motibus vitales functiones exercentur, partesque aquosæ & mobiliiores sanguinis discedunt aut absumuntur, iisdem succis salivæ & stomachalis aciores facti, imas fauces & os ventriculi vellicant, molestamque famis sensationem stimulant: Sicque natura sollicita querit quò anxietatis & doloris sensus tompestat, quo reficitur corpus & alitur: regeneratur sanguis corpusque reparatur ab alimentis & aere, simplicisque mechanica motibus nutriendo, corpori Autor naturæ magis consulit, quàm attentione mentis præstantioris naturæ, sensusque obtusioris, quàm ut corpori perpetuè utilium & noxiorum perscrutatione serviat; nec ideo exilimes, urgente etiam famis stimulo, pleniori victui indulgendum in summo virium dispendio, aut semper æquale esse debere acceptum expenso ad sanitatem conservandam, eoque majorem alimenti copiam assumendam, quò major fuit dissipatio virium.

## II.

**S**ANGUIS humorum omnium scaturigo, ex substantiâ rubrâ nitro-sulphureâ, lymphaticâ & biliosâ coalescit; ut lymphatica ex se ad fermentandum iners, sic pars purpurea & biliosa fermentescunt; hoc motu fermentativo sanguis cum partibus solidis incalescit, contrahitur cor; hinc arteriæ conicæ dilatantur, coactæque ad elaterem, impulsu sanguinis, alternatim contrahuntur; sic fovetur fluiditas sanguinis concrescibilis, cujusque partes ad mutuum cohasionem nituntur; tam intestinis sanguinis motibus, quàm cordis & arteriarum vibratione, musculorum contractione, ac tritu & fibrarum omnium sistaltico motu, diversisque vasorum dimensionibus, angulis & arcibus, gyris ac flexibus, diversæque texturâ, varioque complexu cum diversæ structuræ partibus, generantur recrementa diversa, quæ sanguis, circulationis lege, in meatibus viscerum deponit, aut in vasis lymphaticis ubique hiantibus. Hinc bilis fluit in hepatis vasa, hinc urina in vascula renum; eodem fonte manat sudor & transpirationis materies, per minimos cutis poros sub formâ vaporis avolans; hæc eadem genesis salivæ, humoris ventriculi, pancreatici, intestinorum, succicæ alibilis; hæc fecunda soboles lymphæ sanguinis, levissimo caloris gradu, ad instar gelatinosæ substantiæ, concrescens, quæ ubique, per secretoria vascula lymphatica, secedit à substantiâ rubrâ, citò majori ex parte revehenda in vasa sanguifera sanguinique denuò commiscenda. Hæc tubra pars octava vel decima, aut duo-

decima sanguinis, secùs à lymphâ intra arterias & venas coercitâ, nusquam deviat, nisi per accidens, fugitque secretoriorum meatuum lymphaticorum oscula; dum perenni motu fermentationis & progressionis per arterias & venas circumferetur, motumque contractivum cordi, quasi sui juris imperitur, independenter à nervis, secùs à reliquis musculis. Quantitati & molis sanguinis ejusdemque motui responderet recrementorum proventus, maximus est transpirationis effluxus, & intra 24 horas, à librâ, ad tres libras, & ulterius ascendit. Quò uberior est unius recrementi/copia, eò parciore aliorum quantitas. Sic, erumpente sudoris profluvio, imminuitur urinæ quantitas, ac quantò magis sanguis luxuriatur in cujusdam humoris generatione, eò minus in productione alterius impendit; decrescit enim sanguinis moles & quantitas, & tantumdem de ipsius substantiâ detrahatur, ac de ejus sinu exhauritur & absumitur. Pari ratione lentescit sanguinis motus, & infirmatur vis motiva cordis & solidorum elater. Hinc sanguis dissipatione magnâ segniore, & in vasis cespitans, minorem quantitatem salivæ, succi stomachalis, pancreatici, & bilis prodit in digestionis organis. Sic à calore æstivo, aut in regionibus meridionalibus, largiori transpirationis hiatu, famis stimulus hebescit, & alimenta difficilius digeruntur. Sic in convalescentibus, à febre aliisque morbis, sanguis effæctus minorem menstruorum alimentis quantitatem suppeditat. Sic, post magnos exanthlatores labores, aut longam inedia, aut excretiones immodicas quorumlibet humorum, digestionis organa fatiscunt & collabuntur.

### III.

U Talimenta, in respectivâ & debitâ quantitate & qualitate ingesta, in ventriculo & intestinis soluta, & in chylum succumque lacteum subdulcem conversa sanguinis formam induunt, naturalem ejusdem crasim conservant, accelerantque motum circulatorium, quo vigent functiones omnes, viriumque jactura refarciuntur. Sic labefactâ digestionem, crassior, crudiorque chylus, sulphurea sanguinis stamina densando, ipsius motum tardat. Hinc sanguis hæret in vasis, vel ex parte, vel ex toto, & ex stasi completâ, vel incompletâ, in diversis arteriarum propaginibus obortâ, vel aboleretur hæ aut illæ functiones, vel læduntur, suppresso vel imminuto fluido motivo, partis organicæ. Ad perfectam chyli elaborationem requiritur proportio quantitatis, & qualitatis alimenti cum succo salivali & stomachico, maximè cum bile viribus præpollente aliis recrementis, seu mensuris lymphaticis, quorum affluxu, & miscelâ, adjuvante calore sanguinis, viscera molliter irrigantis, fermentatio lenis excitatur, ciborumque laxata compages solvitur, non solum in partes integrantes, sed in partes essentielles, ex quâ dissolutione, nova emergit textura & combinatio partium alimentorum. Segregatâ parte crassiore, & mutatâ figurâ mole & positurâ partium essentialium, emungitur in venas lacteas succus lacteus, brevi in sanguinem transmutandus; atqui à maximâ corporis dissipatione, fermenta digestionis deficiunt, aut imminuuntur & hebetantur, nec nisi segniorem & imbellem, cum alimentis fermentationem ineunt, nec, æqualem alimentorum molem subigere apta nata sunt. Ergo si alimentum, vel qualitate & crassitie, dissolventium vim exuperet, perægret menstruum impar & iners dissolutionem molietur, acescet alimentum cor-

*aut excrementi*

4

ruptivamque fermentationem contrahet, undè vel evoluto acido fixiori & pungente intestina, præceps in pulvem devolvetur cum excrementis, vel parùm substantiæ chylosæ, vel viscidior chylus per venas lacteas sanguini alabitur, ex quo graviter functiones læduntur, nec vires reficiuntur, nec corpus alitur. Secus à tenuiore victu facilior digestio, ac uberiori, chyli lymphæ, alibilis proventuque in dies, jactura partium fluidarum & solidarum corporis reparabitur, labantesque vires restituentur.

#### I V.

**C**ORPUS animale, servatà proportionem extensionis, uberius transpirat quocumque vegetabile, cujus caloris motus, par calori circumdantis aëtis, ad 3 gradum, suprâ congelationis, punctum in thermometro assurgit. Calor verò partium corporis animantis ad 54 gradum evehitur, sanguinisque calor ad 64 gradum intenditur; ratio in promptu est. Sanguis, fermentationis motu agitur cum partibus aeris, & à contractione cordis, & respirationis motibus, indefinenter conquassatur ac teritur, hinc calor intensior. Quò aer ambiens calidior est, eò corporis transpiratio & dissipatio, major; ab assidua & valida contractione in motu locali corporis adaugetur. Sic in desiderio, irâ & his animi pathematis, quæ amoris species sunt, acceleratur transpiratio; pro ratione crescentis vis motivæ cordis sanguinisque rarefcentis; imminuitur in tristitiâ & metu, & in his animi affectibus, qui odium spectant; ut animi corporisque quies, & ita delent spirituum animalium, sanguinis & cordis motum, & transpirationem prohibent; ita vigilia, protrahendo spirituum animalium & sanguinis motum, humotum, secessum fugamque properant. Ut liquidotum spirituosorum potu sanguis accenditur, sic alimentis, salibus ac sulphuribus fetis exæstuat, corpusque majorem dissipationem patitur, avolantibus per habitum corporis partibus aquosis & subtilioribus sanguinis, & lentescere motum sanguinis & cordis necellum est, & concreescere salia in intemperiem falso-acidam, aut falso-acrem, facescere sanguinem. Hinc saliva & bilis halitu suo, præ salium mole & fixitate, aliud pungunt membranam ventriculi nerveam; undè vividior famis sensus. Sed quò major est ingesti alimenti quantitas, eò major vincenda dissolvendi resistentiâ à menstruo partium, alimentorum dissolutionem moliente, & in earum latera, cunei ad instar, vim exerente; tantò enim minor aut debiliior est vis menstrui, dissolventis partes alimentorum, sibi invicem coherentes, quantò ipsæ majorem molem sub minori superficie obijciunt imminutæ quantitatis liquidi solventis, nec nisi in crassiores moleculas, à lambente menstruo alimentum dividitur, parciiorque aut viscidior chylus falso acidus, aut falso-acris extrahitur, sanguini commiscendus, longè impar nutriendo, reficiendoque corpori. Quin & febrilem persæpè movet æstum in sanguine, quo ejusdem substantia colliquatur, & in sudoris profluvium desciscit; sic in aperto cadavere LUDOVICI XIV. à sudoribus colliquatavis, exsanguia vasa observavimus, qui quidem Rex largiori victui indulgebat, dum appetitus vigeret.

**A**LIMENTA in chylum, & chylum in sanguinem converti, fermentationis opere, probavimus, in disquisitione nostrâ analytica partium corporis anno 1701. editâ, ex quo argumentum nostrum, ex salium acidorum alimenterum alkalisatione depromptum, inconcussum manet & integrum, irritis trituranium telis atque conatibus; neque enim ullâ vi, extrinsecus admotâ, mutatur configuratio partium essentialium corporum, quæ formam suam & indolem pertinaciter tuentur. Nam si nitrum aut tartarum conquisaveris, per annos, assiduo tritu, nonnisi sal acidum per distillationem fundunt. Sed alimenta, quæ sale acido fetent, brevi tempore indutâ sanguinis formâ, nonnisi salia alkalia, aut salsa volatilia distillationis ope, suggerunt, quæ genesis est vel ignis, aut fermentationis opus. Sic formicæ contusæ, & in massam congestæ, quæ nonnisi sal acidum spirant, in vase clauso asservatæ, paucorum dierum spatio, obortâ fermentatione, quâ formicæ corruptionem contrahunt, nonnisi sal urinosum produnt, sale acido in alkali volatile falescente. Hoc fermentationis motu, essentielles chyli partes, sibi cohærentes, discedunt ab invicem, & sulphurum & salium terræque compages volatililatæm adeptæ, nova configuratione, ad alkalinam prosapiam vergit, continuo aeris & ætheris materiæ fluxu, quo chyli materia undequaque pervia, porosa & spongiosa redditur, salsoque-acida, per terræ interstitia, in omnem sensum transfixa se decussatim interfecant, sulphureisque partibus elasticis arcuè vinciuntur, & superficiem asperam & inæqualem, pluribus angulis hirsutam & alkaliniiformem æmulantur. Sic serum chyli ex parte sub acidum abit in sanguinis serum alkalinæ indolis, caseosa pars in lympham, butyrofa in bilem, ~~fermentum~~ in substantiam rubram. coalescit, ut fusiùs alibi. Neque tamen exulare omni ex parte velim solidorum tritum, licet multò minoris momenti in transmutando chylum in sanguinem; primam operis partem sibi vindicat fermentatio, obsequuntur solidæ partes, quæ ut à fluidis mutantur motum, sic & fluidorum motum tuentur, accelerant & augent. Hinc chyli substantia, dum intra vasa sanguifera circumducitur, cordis musculorumque motu, & arteriarum contractione, affricuque parietum vasorum, in minores moleculas arteritur, eoque faciliùs menstruum solvens agit in partes chyli, quò ipsæ magis attritæ ac divisæ, majorem, sub minori mole, superficiem acquirunt, & contactui dissolventis offerunt, minùsque illius actioni renituntur. Non aliud quæras fermentationis hujus & fermenti principium quàm aerem pulmonum; quo generatur sanguis ex chylo & vita fovetur; ab illius aëræ afflatu indelinenti pender & sanguinis & cordis motus. Hinc tanti momenti respiratio, & necessitas attrahendi aeris animantibus, quâ, ultra sex aut septem minutas, carere non possunt, quin motus sanguinis & cordis omnino sufflaminetur & vita pereat; hinc pulmonibus appensum cor, ut ventilatus ab aere sanguis fluidum motivum in loculos fibrarum carnearum illic effundat; hinc sanguis, ex venarum truncis, in ventriculum dex-



trum redux, per innumeras arteriæ pulmonaris propagines, expanditur, ut præterlabens aerem attrahat. Hanc aeris attractionem, à sanguine in pulmonibus, evincunt cucurbitulæ cuilibet corporis parti admotæ, quibus aer ad superficiem cutis adducitur, renitensque rarefcenti aeri cutis in tumorem attollitur. Confirmant animalia viventia in machinâ Boylianâ inclusa, quæ ad externi aeris expressionem subito intumescunt. Hæ partēs aeræ partibus sanguinis & chyli implicatæ, ut compressibiles & elasticæ alterno condensationis, & rarefactionis motu, repetitis percussionibus, hinc & illinc verberant, & dum pellunt partes sanguinis, & dum pelluntur, in adversum nitentes, totius massæ dissolutionem moliendo huic motum undosum impertiunt. Hæc illæque reciproca actione partium aeris & sanguinis successivè coeunt & concrescunt quædam in substantiam sanguinis, dum aliæ partes sanguinis in aerem resolvuntur, ut demonstratum est Anglorum experimentis. Ergo chyli substantia ut ex diversis alimentis & heterogeneis partibus coalescat; dum promiscuè circumvolvitur intra vasa cum sanguine & iisdem potentiis aeris pulmonum subjicitur & solidorum tritus sanguini assimilatur, eandemque formam homogeneam induit, mutatà successivè figurâ mole & positurâ partium chyli. Sic regeneratur sanguis ex chylo, sic cremosa illius pars, aeris connubio, purpureum colorem acquirit. Hinc reficitur corpus & alitur, dum lymphæ sanguinis ex crassiore chyli parte attenuatâ sobolescent, tenuior adhuc facta, circuitu sanguinis, per vasa lymphatica intra, poros fibrarum apponitur, & roris ad instar, pingui & gelatinosâ suâ substantiâ concrescit. Ad hoc nutritionis opus confert fluidum nervorum, cujus influxu, destitutæ partes paralyti affectu marcescunt. Non tam concretionem, & coalitu lymphæ, nervæ, quæ levissimo caloris gradu, in auras avolat, nutritio perficitur, quàm fibrarum elatere, quo lymphæ sanguinis, in minores partes divisa, patentiores fibrarum oscillantium poros liberè permeat, & adhæret, ac velut agglutinatur substantiæ partium quas alluit: pro diversis arteriarum capillarum & vasorum limphaticorum diametro, directionibus ac flexionibus, pro diverso respectu figuræ & molis partium lymphæ ad poros & meatus partium nutriendarum. Hæc admittuntur à fibris molliter cedentibus motui liquidorum aut impulsui arteriarum, ac velut incuneantur fibrarum elatere, dum aliæ repelluntur, quæ minorem habent proportionem cum alveolis, donec circuitu sanguinis, vel meatibus occurrant patulis vel molem & figuram quadrantem assequantur. Nutritioni corporis robur addit novus chyli proventus fermentationem sanguinis circuitumque ejus accelerans. Hinc vis motiva cordis accrescit fluido spirituofo, ex miscela chyli cum sanguine, cordis fibris uberius afflante; hinc copiosior lymphæ nervorum, chyli progenies, dum tenuior illius pars per glandulas corticis cerebri, & propagines ejusdem medullaræ substantiæ adhuc volatilior facta, secessu phlegmatis, quo texturæ cerebri mollities fovetur, ostia nervorum pervadit & in spirituosam quasi substantiam facessit, odorem therebyntinaceum redolentem, ut patet incisione nervorum, in caudâ bovis perreptantium, & stillatione hujusce indolis succi, quo spirituosæ substantiæ influxu, vegetiores fiunt muscutorum contractiones, unde corporis vi-

res reficiuntur; sic omnes functiones animales, ex perfectâ chyli elaboratione alacriores fiunt. Sed quò chylus ex parciiori alimento, servatâ proportionē quantitatis cum liquidis dissolventibus, fluidior ac perfectior emungitur, eò viscidior aut minori quantitate, à luxuriante aut exuperante, cibo elicitur, præ inopiâ fermentorum, quæ tum in primis viis, tum in sanguiferis vasis à magnâ corporis dissipatione deficiunt, quibusve vinci nec tolli potest cohesio partium alimenti inæquali proportionē assumpti; nec crudioris chyli labem intra sanguinis vasa delendam expectes, ipsiusque mutationem in floridum sanguinem, cum sanguis ab acore & crassitie chyli spissatus, minores edit cordis contractiones, ac tardiori gradu fertur versus pulmones, ubi jam minùs attritus, minùs de aere depromit, minùsque illius dissolventis actione subigitur. Hinc vitium primæ coctionis non corrigitur in ultimâ, quin eadem chyli labe sanguis inficitur, inditâque vicissim sanguini labe, digestionis vitium fovetur, unde vitiosus quasi circulus oritur, quo sanitas infirmatur & malum in dies ingravescit. Sic digestionis magis ac magis collabuntur; sic sanguinis circuitus lentescit, sanguisque spiritibus depauperatur ac vires concidunt, limphâque alibili, ut spissiore factâ, defraudata: partes solidæ contabescunt. Forsan objicies argumentum nostrum experientiæ refragari, quâ constat permultos se variis magnisque exercitationibus, equitatu & venatione jactare ac defatigare, ut appetitum excitent, & post dissipationem magnam luxuriôsè vescuntur, citra læsionem sanitatis. Sed nec illâ objectione nostræ thesæos fundamentum diruitur, cum sæpè contingit, ut qui, post immoderata exercitia & dissipationem magnam, satiantur cibis, in gravissimos morbos incurrant. Aliundè sanitas multos habet latitudinis gradus, nec in puncto consistit, adeo ut ab omni digestionis vitio non semper functiones sensibiliter lædantur, sanguisque possit à chylo crassiore & acido paululùm spissari aco-remque contrahere ac motum tardare, citra statim aut congestionem in vasis, unde labefactetur illico sanitas, licet hæc ad morbos disponant. Cæterum corporis dissipatio plus aut minùs intenditur, neque de dissipatione in remisso gradu intelligenda est propositio nostra; sed de dissipatione in intenso gradu, in quâ magna est penuria fermentorum, quibus major, & non servatâ proportionē, alimenti quantitas dissolvenda foret. Quin & habenda ratio temperamentis, ætatis, consuetudinis, vis ac regionis; juxta quam, non iisdem strictis legibus, in usu alimentorum ligantur homines. Sed hoc statum manet, non ab ingestis alimentis, sed digestis, corpus reparari, respectumque semper habendum, ad fractam digestionis organorum vim. Attendes quid valeant, quid ferre recusent; hæc sit alimenti mensura, non dissipatio, non debilitas virium, non esuriens stomachus, sæpè infidus, qui laxato fibrarum tono, sub alimentorum pondere & mole fatiscens, gravantique sarcinæ rejicienda impar, clandestinè sanitati & vitæ insidiatur; dum eruda, quæ in stomacho turgent, exonerantur in sanguinem, hujusque coagulum, arterias capillares mollem viscerum compagem perreptantes, ingurgitat. Hinc apoplexiæ fortes & convulsiones, & dira febrium malignarum cohors, quæ Medicis tantùm negotiū facescunt. Tutius ergo tenuior victus à deprædatione magnâ vi-

rium & succorum alibilium corpus vindicabit, sic alimento parcâ, quod satis est, manu assumpto, major in dies laudabilis chyli lymphæque alibilis proven-  
tus citius ac securius jacturam virium resarciat; sicque sanitati conservandæ  
sapienter consultum videtur.

*Ergo quod major fuit virium jactura, vietus eò tenuior.*

Proponebat Parisiis, JOANNES MIDY, Lemovicensis;  
Baccalaureus Medicus, à sextâ ad meridiem. 1737.